

**Su territòriu de Portescusi** in s'edadi giudicali asseriat in su Rennu de Casteddu, bàsciu sa curatoria

de Sulki. Pustis chi su giugadu nd'arruit, in su 1258, is de Gherardesca, sennioris de Donoràtico, ddoi istèndiant su domìniu insoru.

Insandus s'agatàt unu portixeddu, agoa isparèssiu, chi si ddi naràt Canelles o Canneddas (logu anca crescit sa canna).

Pròpiu in is *Canyelles* (Portovesme oi in dii), in su mesi de ladàmini de su 1323 iant gherrau is aragonesus, chi fiant assartillendi Bidda de Crèsia (Igrèsias), contras a sa flota pisana.

Iat iscritu s'istòricu Vittorio Angius in su Ditzionàriu Geogràficu Istòricu-Istatisticu-Cummertziali de is Istadus de S.M. Rei de Sardigna (a incuru de Goffredo Casalis – 1841) *“Marregordat chi fiat in custa pràgia, po essi sa prus acanta a Igrèsias, chi su donnixeddu Alfonso nd'iat fatu calai is màchinas po nd'assartillai a cussa citadi, e in custas àcuas is pisanus iant furau unas cantu nais a is aragonesus, e nd'iant abbruxau is atras cun totu is munitzionis”*

**Sa Bidda de Portescusi** (cun su nòmìni chi protzedid incapas dae 'Puerto Escuso' de su tempus de s'influèntzia ibèrica, simbillanti a su sardu de forma e paris de sentidu, sendi sa geografia anca s'agatat) fiat sugeta a is afracadas barbarescas chi lompiant dae mari. Unas cantas funt abarradas in su contau.

Nanca in su 1660 un'incursioni morisca iat postu in avolotu sa bidda e sa genti si fiat fuia a parti de intru ma chena de si ndi pòdiri iscampai. Medas ddus iant mortus cun barbaridadi e atrus ddus iant tentus a presoneris. A su logu de custu assacheu dd'iant postu Campu Dolorosu.

Custas lòmpidas barbarescas fiant acabadas isceti a pustis de su 1816 pustis firmau unu tratau internatzionali de paxi chi iat assentau is raportus cummertzialis cun is paisus nordafricanus.

In su 1853 sa bidda ndi bessit comunu autònomu. In su 1914 fàbblicant s'iscola e in su 1922 sa caserma de is carabinieri.

## **Su Pranu**

In sa Pratzza de Nostra Senniora d'Ìtria, fàci a obrescidroxu, s'agatat su Palatziotu de sa Tonària cun is barracas de is tonariotus, unas cantu po traballai sa torina e atras po crocai is chi traballànt a istasoni. Su totu ndi pigat unus deximila de metrus cuadraus.

Est a forma de trapètziau cun una pratzza a intru, Su Pranu, incarada fàcia a mari, chi asserit unus cincu milla de metrus cuadraus; a oru de mari nc'at is barracas de su sali, cun crobetura a tèulas sardas, e totus is atrus magasinus.

Su fàbbricu podit èssiri istètiu fàiri in sa segunda metadi de su 1500. Fatu, torrau a fai e aconciai in is annus po nexi de is assàltius de is barbarescus, chi costumànt isdorrobai apetotu, a pònniri fogu a

is barracas e a nd'isciusciai is domus.

Is afitèvoles de sa tonària chi si fiant afatanaus is primus annus, si dd'iant dèpidu cumbati meda su materiali chi abbisongàt po fabbricaì is barracas de is tonariotus, e mascimamenti s'iscontroriànt cun is messajus e is pastoris de is biddas lacanantis, chi ddis ghetànt tìrria, ma fiat puru po mori de su traballu insoru si is operajus de sa tonària e totus is portescusesos de insandus si podiant campai.

Annu cun annu, aguantendi a tantis difficultadis, is fàbbricus de Su Pranu cumintzant a pigai su sètiu de a cummenti ddus conosceus oi in dii.

Tocat a pensai a Su Pranu che a unu forti autònomu, beni furniu po non dd'abbisongiai nudda dae parti de foras. Difatis s'agatat unu forru, unu magasinu de allogai farra, lori, ollu e binu, ddoi at s'oficina anca su ferreri fabbricàt aciolus e ferramenta, e atras barracas anca arreguànt o aconciànt is istrepus de is piscadoris, cun is ainas po filai is funis de ciafaloni (su coru moddi de sa parma nana chi crescit in custu logu). De custas ndi fadiant de ònnia calidadi: dae sa fini, su filetu, po sestai e aconciai is *arrècias*, a sa calidadi prus grussa, sa baderna (chi est una trìcia de funis).

Su fàbbricu ammostrat depesei a cummenti fiat assentada sa sotziedadi de insandus.

In **Su Palatziotu** nci biviàt su meri, is amministradoris, su Rais, su Visurais, su guardianu e, foras de su fàbbricu, in su fundu, ddoi fiant is barracas chi istrangiànt is tonariotus totu s'istasoni.

In custas barracas in su 1738 iant acòlliu is tabarchinus, fèminas e pipius pruschitotu, in s'abetantis chi ndi fiant pesendi is domus de sa bidda noa me in s'ìsula de Santu Perdu.

Castiendi Su Pranu dae sa pratza, a manu dereta, s'aparat unu arcu a sètiu bàsciu, cun una ventana, a pitzus; a su costau, a duus pranus, sa domu de su *Rais*, chi biviàt in susu, e sa domu de su *Visurais* in bàsciu; totus e duus cun pamentus e iscalas de linna. A pitzus de sa cobertura de sa domu de su Rais, duas columneddas poderant sa campana de brunzu, de 12 chilus, chi costumànt a sonai po nc'assortiiri is tonariotus a traballai.

A s'atra parti, acanta de sa crèsia, a pitzus de sa domu de su guardianu, s'agatat s'asta anca acapiànt sa bandiera: cruxi arrùbia in campu biancu, po avisai a su populau chi sa matantza fiat fata.

A Su Pranu si ddoi intrat passendi asuta de un'arcu de trachite, serrau cun una portali mannu e bèciu de sèculus, ancora cun sa tancadura antiga. A pitzus de s'arcu nc'est un'istemma de màrmuri: una corona cun àchili e cun su marcu sabàudu in is farrancas. Tenit duas P marcadadas chi asserint a sa propiedadi de Pietro Porta – imprendidori e baroni. A su meri de sa tonària ddi ispetàt su titulu de Baroni de Portescusi.

Faci a mari s'aparat sa lolla, fata a bigas de linna cun cobertura a tèulas sardas e aguantada cun colonnas de perda traballada chi donat luxi a su Palatziotu, anca fiant coxinas, ufitzius e aposentus, de sighiu a fiancu de paris.

Me in mesu de sa pratza de aintru, in "*s'Ortu de Su Pranu*", in su 1698, nc'iant postu una meridiana

fata cun una tella de màrmuri, cun is oras marcadadas a nùmerus romanus e cun una veleta de arràmini po sinniai s'umbra. Sempri aintru, in bàsciu de su palatziotu s'agatàt sa cresiedda o oratòriu. Oi in dii si podit ancora apuai su nìciu de Santu Antoni e s'atru de Nostra Senniora de su Cràmini; in s'intrada si bìiri sa pila de s'acuasanteras. Sa cresiedda o oratòriu est a pranta retangulare e pigat 120 metrus cuadraus in su totu. Su presbitèriu 20 centimètrus prus artu, si nd'istallat dae su pamentu anca aturant is fidelis e 4 arcus mannus de perda traballada aguantant sa crobatura.

In su 1665 su Marchesu Vivaldi Pasqua iat fatu pesai sa crèsia noa a foras de Su Pranu, chi dd'iant intregada a Nostra Senniora d'Ìtria, amparadora de Portescusi, in paris cun Santu Antoni Padovanu, chi est s'amparadori de totu is tonàrias.

A manu manca, agiumai a suta de sa lolla, nc'at una funtana funguda meda e larga unu metru e mesu; ndi ddoi piscant s'acqua po totu su fàbblicu e est antiga aici etotu.

In su 1870 iant fàbblicau un'arsenali cobertu chi dd'aguantant 28 pilotus mannus de granitu cun tres arcus tundus chi s'incarant faci a mari e atrus tres s'incarant a parti de aintru, anca est puru unu passàgiu po iscurri is funis de arrimai is barcas.

Dae Su Pranu si costumant benedixi su mari tres bortas s'annu: po sa processioni de Santa Maria d'Ìtria, de Sant'Antoni e de su Corpus Domini.

## **Sa Turri**

Su sìmbulu de sa nàscida de Portescusi est sa Turri chi si nd'istrantaxat a pitzus de unu isproni de arrocas e billat totu su gulfu. Dd'iant pesada in s'ora de sa corona ispagnola po ddoi aposentai una tropa de sordaus a defensai su logu, po castiai is nais passendi e parai pruschitotu a is bardaneris moriscus. Custus beniant a isdorrobbei sa tonària de totu su chi si ddis podiat torrai a contu, e fintzas sa genti fiat bella po furriai a iscaus de bendi.

Sa turri est de cussas chi incordonant totu sa Sardigna, bòfias dae su Guvernu Reali Ispagnolu po amparai is costeras dae is assàtlius sighius.

Custus fàbblicus, unus cantus serbiant po castiai su mari, unus atrus fiant armadus po defensai de a berus su giassu.

Costumant a ddas pesai in logu artu e in buca de portu, po billai su trastigiù de is nais e su traballu de is piscadoris de torina e de coraddu, fainas chi ndi bogant siendas mannas a su tempus de Filippu II de Ispagna.

Sa Turri de Portescusi est de su pròpiu tempus de sa Tonària, pesada po mori de su mercanti de Casteddu Pietro Porta cun s'autorizazioni de Filippu II de Ispagna, po amparai sa costera portescusesa.

In su 1636, candu s'iat tentu una de is prus malas afracadas, is saratzenus bincint is sordaus de

guàrdia e nci ghetant a terra sa turri. S'annu afatanti is portescusesus ndi dda torrant a pesai cun su dinai de sa Càscia Reali: su progetu dd'iat istèrridu su Maistru Razional Donnu Giacintu de Bolea e s'òpera dd'iant acumpria is maistrus picaperderis de Casteddu, Gaspare Pinna e Nicolau Cùcuru.

Un'atra afracada mala de is barbarescus s'iat tenta in su 1760; sa Turri ndi dd'iant mesu iscusciada, e pustis torrada a pesai cun su sètiu chi conosceus oi in dii, a conu truncau.

Ponit fundamenta in is arrocas, e aturat 13 metrus a pitzus de su pillu de su mari. De artària mesurat 16 metrus.

Dae s'ùrtima borta chi dd'iant assentada, sa turri at bintu totu is assàltius e difatis su sètiu at aguantau fintzas a ddu connòsciri nosus.

Po imbucai a turri nc'at un'*iscala a ventalicu* cun 18 gradinus chi lompit a su primu pianu, a 4 mt dae terra. Sa luxi ddoi intrat cun 7 fentanas a arcu. Interrada a suta de su pamentu, s'agatat una cisterra de 3 mt cubus chi si ndi prenit de s'acqua pròina chi arruit a terratza e calat a bàsciu passendi in is canaleddas aintru de is murus.

Aintru duus arcus faint a cruxera, cun 8 mt de artària, e pratzint sa cimbria in cuatru perras. In sa perra a nord-est is arcus faint a isghèsciu a manera de podi aguntai su pesu e s'iscuta de is cannonis isparendi in pitzus de sa terratza. Un'iscala imbussada a 40 iscalinas ndi àrtziat dae sa sala a susu. Innoi oi in dii s'agatant duus aposentus e una domixedda po arrimai fornimentu, chi iant fabbricau in s'ora sabàuda candu ddoi fiat aposentada sa Guàrdia Règia de is Gabellas (sa Finàntzia).

In sa terratza chi abarrat libera nci fiant assetiaus 8 cannonis, ma a primìtzius s'artillieria podiat isparai a totu giru.

Po cumentu s'agatat, dae susu si podit billai su logu fintzas a Paringianu, a is canalis de Sant'Antiogu e Santu Perdu, a su Scògliu Mannu, a sa cala de Portupalleddu e totu sa corona de arrocas chi dae Bacu Ollastu sodigat fintzas a Ghilota e Sinineddu.

### **Su Marchesu**

In su 1912 su Marchesu Pes de Villamarina, meri de s'Ìsula Prana e de sa tonària, iat fatu pesai in Portescusi una villa anca ddoi aturat candu fiat mari malu e non podiat lòmpiri a s'isuledda. Si ddi narànt "Poggio Meu(r)reddu", sendi fabbricada a pitzus de unu cucureddu – in su logu de is meurreddus (nomìngiu de is sulcitanus), is portescusesus dda connoscint e s'ghint a si ddi narri "Su Marchesu".

Est una villa de 3.500 mt cuadraus cun unu giardinu mannu postu a matas tropicalis.

In su pròpiu dominàriu s'agatat puru sa domu de su custòdiu.

### **Crobetanedda**

#### **Grupu de defensa de sa costera**

**Su sistema lampadòrgiu**, alimentau cun unu grupu eletrògenu, allogau in galleria, portat una lantia manna 1500 mm de diàmetru chi ghetat luxi 15 km. Su grupu aposentau in Crobetana fiat cuncordau po isparai a is aèreats chi passant bolendi bàsciu cun una mitrallia 'Scotti' de 20 mm, de fàbrica italiana e de pròpiu càlibru una Oerlikon, ingresa. Totu is istruturas de amparu s'agatanc ancora mantènnias beni.

S'apuant is cuatrus pratzixeddas de ciumentu armau cun is barras a fileadura anca assetant sa ferramenta de is cannonis ancora incravadas in su ciumentu.

**Sa C.O.C. Centrali** operadora de cumbatimentu est mesu isdorrocada, mascimamenti sa crobetura de sa turruta chi apompiat su telemetro; in is ufitzius e in is postus de tiru fait ancora a ddoi tressai, perou donendi atentu. Lompendi-nci dae sa postazione ovest parrit unu balconi incarau a mari, anca incapas s'agatat una de is duas mitrallias contraèreas. S'atra fiat in sa pratzixedda chi asserit a su fàbbriku "H" ( $39^{\circ}13'42,40''N - 8^{\circ}22'12,50''E$ ).

A 200 mt dae sa C.O.C. conca a Santu Perdu ( $39^{\circ}13'38,20''N - 8^{\circ}22'05,50''E$ ), s'agatat su fàbbriku de su grupu eletrògenu, e sa fotoelètrica: una galleria iscavada me in sa roca e acarraxada a matonis prenis.

**Su proietori** de su sistema lampadòrgiu s'agatat in una pratza fàcia a mari. Ddu moviant a pitzus de unu mori ferrau, disparèssiu oi in dii. Is postazionis de bateria ddas iant cuncordadas iscavendi a circu in sa roca, cun diàmetru de 6 mt e 1,20 de fundesa dae su paris. Pamentu de ciumentu armau. Me in mesu de sa pratza s'agatant is àscias afiletadas po ddoi setzi is cannonis cun diàmetru de 0.85 mt. Me in mesu de sa parada de guàrdia s'agatat unu fàbbriku in ciumentu armau, interrau totu francu is is intradas (una a Nord  $39^{\circ}13'43,2''N - 8^{\circ}22'10,7''E$ , e s'atra a Est  $39^{\circ}13'43,0''N - 8^{\circ}22'10,3''E$ ).

In su centru de su fàbbriku s'agatat un'apostu totu nìcias (acajous) in is murus e duus passaditzus a giru. Incapas unu magasinu de is munitzionis o unu imbaru, rifùgiu antiaèreu.

A palas de sa contraèrea (marcada cun litera H e coord.  $39^{\circ}13'42,40''N - 8^{\circ}22'12,50''E$ ), s'agatat, a 92 mt de istesiada e  $65^{\circ}$  conca a obrescidroxu, is arruinas de su corpu de guàrdia, fàbbrikau cun perdas pigadas in su logu. Presentat duus aposentus, totu e duus, parit dae is arrastus, frunius de giminera e/o coxina.

Sodighendi conca a obrescidroxu si passat in s'istrada imperdada a tellas chi lompit a is casermas e a s'istatzioni ràdiu de Crobetanedda.

**Sa caserma** anca fiant is sordaus in Crobetanedda fiat unu dominàriu cun tres fàbbricus. Unu po sa mensa un'atru po is sotufitzialis e s'atru po is sordadus.

A 250 mt conca a 345° NNO, s'agatant is ruinas de sa Ràdiu/Rt, e acanta a s'oru de su sperefundu de mari artu 104mt, nc'est sa turrita de guàrdia, chi s'agatat ancora mantènnia beni.

Fonte

<https://www.comune.portoscuso.ci.it/it/vivere-portoscuso/storia-e-tradizioni>

cun revisiones de s'isportellu lingua sarda in collaboratzioni cun unas cantus sòtzius de Ass. Sa Fàbrica po su tecnoletu de sa tonària e atrus piessinnus.

L'Ufficio della Lingua sarda è finanziato con la Legge n° 482 del 1999 – Norme in materia di tutela delle minoranze linguistiche e L.R. 22/2018 "Disciplina della Politica Linguistica Regionale", nasce con l'intento di tutelare, promuovere e valorizzare la lingua sarda (e/o le altre parlate alloglote di Sardegna) dando pari dignità con la lingua italiana.

Lo sportello è attivo presso la Biblioteca Comunale di Portoscuso in via Galileo Galilei.

Un operatore specializzato curerà lo svolgimento di varie attività come:

- traduzione in lingua sarda di atti amministrativi (Statuto Comunale, Delibere, Ordinanze, ecc.);
- traduzione in lingua sarda di avvisi e comunicazioni al pubblico;
- traduzione in lingua sarda dei contenuti principali del sito istituzionale del Comune;
- assistenza ai funzionari comunali e ai cittadini per la redazione di testi in lingua sarda di contenuto amministrativo e non;
- fornire informazioni sulla politica linguistica;
- realizzazione progetti di promozione in lingua sarda con il coinvolgimento di vari attori sociali (associazioni culturali e di volontariato, scuole e realtà economiche del territorio);
- realizzare corsi di lingua sarda.

Di seguito potete consultare la normativa di riferimento sulla tutela delle lingue locali nello Stato Italiano e nella Regione Autonoma della Sardegna:

- 1948 - articoli 3 e 6 della Costituzione della Repubblica Italiana
- 1948 - Sa Costituzione de sa Repùblica Italiana in limba sarda
- 1999 - Legge 15 Dicembre, numero 482
- 2001 - Regolamento Legge minoranze linguistiche, Decreto del Presidente della Repubblica 2 maggio 2001, numero 345
- 2006 - Regione Autonoma della Sardegna Assessorato della Pubblica Istruzione, Beni Culturali, Informazione, Spettacolo e Sport - Decreto numero 1749 del 14 luglio 2006
- 2006 - Ministero Pubblica Istruzione Circolare
- 2018 - Legge Regionale 3 Luglio, n°22

In su Sulcis

Progetto "In su Sulcis" finanziato con la L. 482/99 e sa L.R. 22/2018 annualità 2021/2022.

Questo progetto istituisce il Servizio Lingua Sarda dal mese di giugno 2022 sino al mese di marzo 2023.

Il progetto, curato dall'Associazione Culturale "Sa Bèrtula Antiga" vede il Comune di Portoscuso capofila e coinvolge anche i Comuni di San Giovanni Suergiu e Sant'Antioco.

### **Servizio Lingua Sarda – In su Sulcis**

Biblioteca Comunale Portoscuso l'operatore riceve

Lunedì 8:30 - 13:00 e 15:30 - 18:30

Martedì 8:30 - 13:00

Giovedì 8:30 - 13:00

Venerdì 8:30 - 13:00 e 15:30 - 18:30

Per contatti

FB Messenger "In su Sulcis"

Email operatore: [uls-sulcis@tiscali.it](mailto:uls-sulcis@tiscali.it)

S'Ufitziu de Lìngua Sarda est unu servìtziu finantziau cun sa L. 482/99 "Normas in matèria de amparu de is minorias linguìsticas istòricas" e L.R. 22/2018 "Disciplina de sa Polìtica Linguìstica Regionale", e nascit cun sa punna de amparai, promovi e avalorai sa lìngua sarda (e/o is atras fueddadas alloglotas de Sardigna) donendi-ddi pari dignidadi cun sa lìngua italiana.

S'isportellu est obertu anch'est sa Biblioteca Comunale de Portescusi in arruga Galileo Galilei.

Un'operatori ispetzializau at a atenèndiri fainas de:

- Tradutzioni in sardu de àutus amministrativus (Istatutu Comunali, Delìberas, Ordinàntzias, etc);
- Tradutzioni in sardu de Avisus e comunicatzionis pùblicas;
- Tradutzioni in sardu de is prus de interessu informatzionis de su situ istituzionali de su Comune;
- Assistèntzia a is funtzionàrius comunalis e a is citadinus po s'istèrrida de iscrituras in lìngua sarda, po chistionis amministrativas ma fintzas privadas;
- Donai informatzionis a pitzus de sa Polìtica Linguìstica;
- Cumprimentu de progetus de promotzioni culturali in lìngua sarda cun s'interessamentu de totu sa genti ativa in assòtzius culturalis, de voluntariadu, in is iscolas e in s'economia de su territòriu de Portescusi;
- Poni a campu cursus de lìngua sarda

Innoi afatu podeis averiguai sa normativa de riferimentu po s'amparu de is lìnguas localis in s'Istadu Italianu e in sa Regione Autònoma de Sardigna:

- 1948 – artìculos 3 e 6 de sa Costituzione de sa Repùblica Italiana
- 1948 – Sa Costituzione de sa Repùblica Italiana in limba sarda;
- 1999 – Lege 15 Mes'e Idas, n°482;
- 2001 – Regulamentu Lege minorias linguìsticas, Decretu Presidente de sa Repùblica 2 maju 2001, nùmeru 345;



- 2006 – Regione Autònoma de Sardigna Assessoradu de sa Pùblica Istruzione, Benes Culturales, Informatzione, Ispetàculu e Isport - Decretu n.1749 de su 14 argiolas 2006;
- 2006 – Ministèriu Pùblica Istruzione Circulare
- 2018 – Lege Regionale 3 Argiolas, n°22

In su Sulcis

Progetu "In su Sulcis" fintziau cun sa L. 482/99 e sa L.R. 22/2018 annualidadi 2021/2022

Custu progetu ponit a campu su Servìtziu Lìngua Sarda dae su mesi de làmpadas 2022 fintzas a martzu 2023.

Su progetu, a incuru de s'Assòtziu Culturali "Sa Bèrtula Antiga", cun su Comunu de Portescusi cabutruma, interessat puru is Comunas de Santu Giuanni Suèrgiu e Santu Antiogu.

Publicatzione post, programmatzione post nou in essida sa chenabura imbeniente.

Dot.ra Lai:

aprontamentu post LiberEvento

Po cantu sa programmatzioni de su Festival

Culturale LiberEvento 2022 – Iompiu a sa de XI editzionis – seus prexerosus de s'invitai, cun intrada libera, in cussu logu istravanau chi est sa Tonaria de Su Pranu in Portescusi.

Funt cuatrus apuntamentus chi s'ant a tenniri is diis 14 argiolas, 3, 8 e 24 austu 2022.

Comunu de Portescusi

Si ponit a isciiri chi cunforma a s'art. 4 de sa L.R. 6 arbili 1989 n°13, acontzau dae sa L.R. 28/05/1990 n°14, est bessiu su bandu de cuncursu po is graduatorias po s'assinniatzioni e sa mobilitadi de domus de ediltzia residentziali pubblica, a intru de su territoriu de su Comunu de Portescusi. Is domandas bolint cuncordadas cun is modulus alliongiaus a su propiu Bandu e presentadas in s'Ufìtziu Protocollo de su Comunu de Portescusi o intregadas cun raumandada AR o

cun PEC, a intru de su termini de 30 diis dae chi est publicau s'avisu in su BURAS (publicatzioni su 23.06.2022)

Po atras informatzionis averiguai in su Bandu integrali chi est bessendi in s'Albu Pretoriu e in su situ internet de s'Enti in s'indiritzu

[www.comune.portoscuso.ci.it](http://www.comune.portoscuso.ci.it).

Su Dirigenti de s'Àrea 2

Ing. Gianfranco Mulas

### Captione Istadi Portescusesa

Dae Argiolas a Cabudanni una filera longa de eventus ant a abbivai s'istadi portescusesa de mannus e pipius cun musica, cinema, teatru, giogus, literadura, isport, papai e bufai bonu, in is prus bellus logus de sa bidida.

Faina posta a campu po mori de su traballu a manus paris cun Pro Loco Portescusi, Argonautilus e Stella dei Mari Coop. Sotz. Po iscarrigai su calendariu de is eventus de s'istadi carca in s'acapiu asuta.

### Aturada servitzius de obertura de sa Biblioteca Comunali de Portescusi

Si ponit a isciiri a su populau chi dae su 8 a su 20 de mesi de austu, po su tempus istadiali, sa biblioteca abarrat serrada.

Su servitziu torrat a cumintzai dae lunis 22 austu p.v. cunforma is orarius de s'istadi.

### PATU PO SA LETURA INTERCOMUNALI: UN'ATRA BELLA TAREA EST FATA!

Funt cincu is comunus de Sud Sardigna chi ant a moviri giuntus in sa tenta isterrida cun su PATU PO SA LETURA INTERCOMUNALI chi ndi boddit is comunus de Biddamatraxa, Domusnosa, Musei, Conesa, e Portescusi!

Po mori de su coordinamentu de s'assotziu Argonautilus e cunforma a is inditus de su Centru po su libru e sa letura, organu de su MIC – Ministeriu po sa Cultura, s'at a ponniri a campu fainas po sa promotzioni de su libru e de sa letura po mediu de su trabballu a manu paris de is comunus – totu sotzius in sa FIERA DE SU LIBRU 2022 "Sa Meravillia", cun iscolas, bibliotecas, librerias, assotzius culturalis.

Comunu de Portescusi

Provìntzia Sud Sardigna

Ufitziu Istruzioni Pùblica

AVISU

Si ponit a iscìiri a is interessaus chi funt obertus is tèrminis po presentai is domandas de iscritzioni a is servìtzus mensa e trasportu, po s'annu iscolàsticu 2022/23, incarau a is isudiantis de s'iscola de s'infàntzia, primària e segundària de primu gradu.

Is domandas bolint presentadas cun su sistema ON LINE de su Comunu de Portescusi, cun accessu a su situ istituzionali de su Comunu, in su tretu "Servìtzus in lìnìa – portali citadinu – ISCRITZIONIS ON LINE A IS SERVÌTZIUS MENSA E TRASPORTU" si ddoi lompit cun s'indirizzu afatanti: Comunu de Portescusi – Portale de is Servìtzus Po intrai a su sistema tocat a tènniri su SPID – Sistema Pùblicu Identidadi Digitali – sistema de intrada chi permitit de manigiari, cun un'identidadi digitali ùnica, is servìtzus de sa Pùblica Amministratzioni e de is privaus acreditaus – o CIE – carta de identidadi digitali.

Afatu de s'intrega a telemàticu de sa domanda, sa protzedura assinniat unu nùmeru de protocollo po marcai sa pratica etotu.

Is domandas bolint intregadas a intru de su 5 de su mesi de cabudanni 2022, po cuncordai is servìtzus a manera adeguada s'ufitziu cumpetenti, isceti cun is mèdius acrarau in s'avisu.

Po agiudai a cumpilai sa domanda de iscritzioni funt a disponimentu is istruzioni operativas alliongiadas a custu documentu. S'in casu de bisòngiu si podit preguntai a su responsàbili de s'ufitziu in su nùmeru de telèfonu 0781.5111415 o cun sa mail [ml.lai@comune.portoscuso.ci.it](mailto:ml.lai@comune.portoscuso.ci.it)

Is tarifas po sa contribuzioni utèntzia po su servìtziu funt aprovadas cun sa delìbera de sa Giunta Comunali n. 111 de su 23/09/2014 po su servìtziu mensa e, sa n. 113 de su 23/09/2014 po su servìtziu de trasportu.

Custas non pagant su servìtziu a interu, ca su chi mancat est a càrrigu de su bilànciu comunali.

S'arregordat chi:

sendi servìtzus a domanda individuali s'iscritzioni arremonada est a òbligu po s'utente chi si ndi bolit gosai;

is chi bolint gosai de is agiudus in tarifa po su servìtziu de trasportu/mensa depit alliongiari s'atestazioni ISEE in cursu de validesa, chi si custa mancat si àplicat sa tarifa màssima;

tocat alliongiari fotocòpia de su documentu de riconoscimentu;

atrus documentus eventualis (esentzionis, certificaus mèigus de intolleràntzias).

S'Ufitziu Istruzioni Pùblica

## A PAPAI A CIÙ CIÙ

In sa Passilada de Portescusi 4 diis intregadas a su papai de instrada cun birra màstrina e ispetàculus de mùsica. Pustis su primìtziu, ariseu su 28, abarrant ancora su 29, 30 e 31 argiolas cummintziendi dae is 7 oras de meri.

Aturada servìtzius de obertura de sa Biblioteca Comunali de Portescusi Si ponit a isciiri a su populau chi dae su 8 a su 20 de mesi de austu, po su tempus istadiali, sa biblioteca abarrat serrada. Su servìtziu torrat a cumintzai dae lunis 22 austu p.v. cunforma is oràrius de s'istadi.

## SERRADA ISTADIALI UFÌTZIUS COMUNALIS DE PORTESCUSI

Su Comunu de Portescusi ponit a isciiri chi po cantu is fèrias istadialis, is Ufitzius comunalis ant a abarrai serraus a meri in is diis 2 – 9 – 23 – 30 de mesi de austu e su 16 austu serraui a totu dii.

A ònnia manera s'assegurant is primus servìtzius:

Demogràficus

Polizia Locali

Su Comunu de Portescusi 01/07/2022

Su Comunu de Portescusi

Alloddu un'atra intervista chi eus fatu a una sòtzia de Sa Fàbrica de Portescusi:

Mariangela Musu, amantiosa de su ricamu, at imparau in unu nudda a trabballai a triaxu.

Mariangela perou est modesta e narat chi cosas de imparai ndi tennit ancora meda!

Ispereus de pòdiri arrexonai luegus e a prus e prus cun totu sa genti chi nd'ant a tenni su prexeri!

Agradèssida 🍷 dd'as custa intervista?

Lassa-ddu unu cummentu innoi asuta!

Si bieus luegus cun unu vèdeu nou!

#portoscuso #sardegna #sardigna #portescusi #sulcis #sulcisiglesiente #saturri #Paringianu #capoaltano #sardo #sardu #limba #ufitziulimbarda #ufitziulimbarda

#insusulcis

#servitziulimbardaportescusi

Comune Di Portoscuso

Ufficio Turistico Portoscuso

Visit Portoscuso

Visit Sud Sardegna

Associaz Sa Fabbrica Portoscuso

Gruppo Folkloristico Sa Turri - Portoscuso

Sei di Portoscuso

Portoscuso Paese

Portoscuso Sardegna